



Republika e Kosovës
Republika Kosovo - Republic of Kosovo
Kuvendi - Skupština - Assembly

Ligji Nr. 04/L-256

**PËR RATIFIKIMIN E MARRËVESHJES PËR HUA PËR PROJEKTIN
E MAGJISTRALES PRISHTINË- MITROVICË NDËRMJET FONDIT
SAUDIT PËR ZHVILLIM DHE QEVERISË SË REPUBLIKËS SË
KOSOVËS**

Kuvendi i Republikës së Kosovës,

Në mbështetje të neneve 18 dhe 65 (1) të Kushtetutës së Republikës së Kosovës,
miraton:

**LIGJ PËR RATIFIKIMIN E MARRËVESHJES PËR HUA PËR
PROJEKTIN E MAGJISTRALES PRISHTINË- MITROVICË
NDËRMJET FONDIT SAUDIT PËR ZHVILLIM DHE QEVERISË SË
REPUBLIKËS SË KOSOVËS**

Neni 1
Qëllimi i ligjit

Ky ligj ka për qëllim ratifikimin e Marrëveshjes për Hua e lidhur në mes të Republikës së Kosovës dhe Fondit Saudit për Zhvillim, për financimin e vazhdimit të ndërtimit të rrugës Prishtinë – Mitrovicë, Rruga M2, e nënshkruar më 3 Dhjetor 2013, në Prishtinë.

Neni 2
Ratifikimi i marrëveshjes

Ratifikohet Marrëveshja për Hua për Projektin e Magjistrales Prishtinë - Mitrovicë ndërmjet Fondit Saudit për Zhvillim dhe Qeverisë së Republikës së Kosovës, e nënshkruar me 3 dhjetor 2013 në Prishtinë.

Neni 3
Dokumentet e bashkëngjitura

Në aneksin 1 të këtij ligji është bashkëngjitur Marrëveshja e për Hua për Projektin e Magjistrales Prishtinë- Mitrovicë, ndërmjet Fondit Saudit për Zhvillim dhe Qeverisë së Republikës së Kosovës.

Neni 4
Hyrja në fuqi

Ky ligj hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji nr. 04/L-256
27 shkurt 2014

Kryetari i Kuvendit të Republikës së Kosovës,

Jakup KRASNIQI

MARRËVESHJE PËR HUA

PËR PROJEKTIN E MAGJISTRALES PRISHTINË- MITROVICË

NDËRMJET

FONDIT SAUDIT PËR ZHVILLIM

DHE

REPUBLIKËS SË KOSOVËS

HUAJA NR. : 1/604

NËNSHKRUAR MË: 30 MUHARRAM 1434 K.H.

QË PËRPUTHET ME: 3 DHJETOR 2013 K.G

MARRËVESHJE PËR HUA

MARRËVESHJE e datës 30 Muharram 1434 H. që përputhet me 3 Dhjetor 2013 P.K.

Ndërmjet:

- 1) FONDIT SAUDIT PËR ZHVILLIM, Riad, Mbretëria e Arabisë Saudite (në vijim **"Fondi"**), i përfaqësuar nga Sh.T eng Yousef Ibrahim Albassam, nënkryetar dhe Drejtor Menaxhues

dhe

- 2) REPUBLIKËS SË KOSOVËS, (në vijim **"Huamarrësi"**) i përfaqësuar nga Sh.T Besim Beqaj, Ministër i Financave

PREAMBULA

(A) NDËRSA Huamarrësi i ka kërkuar Fondit t'i jap një hua për të ndihmuar në financimin e ndërtimit të projektit të magjistrals PRISHTINË- MITROVICË, të përshkruar në orarin nr. 2 të kësaj Marrëveshjeje (këtu e tutje **"Projekti"**);

(B) NDËRSA Huamarrësi ka marrë nga banka Islamike për Zhvillim (këtu e tutje **"Banka Islamike"**), një hua në një shumë të barabartë me (20,000,000) dollarë amerikan për të ndihmuar në financimin e një pjese të shpenzimeve të projektit, sipas termave dhe kushteve të përcaktuara në Marrëveshjen e huasë të lidhur ndërmjet Huamarrësit dhe Bankës Islamike (këtu e tutje **"Marrëveshja e huasë e Bankës Islamike"**);

(C) NDËRSA Huamarrësi ka marrë nga Fondi i OPEC për Zhvillim Ndërkombëtar (këtu e tutje **"OFID"**) një hua në shumë prej (15,000,000) dollarësh amerikan për të ndihmuar në financimin e një pjese të shpenzimeve të projektit, sipas termave dhe kushteve të përcaktuara në Marrëveshjen e huasë të lidhur ndërmjet Huamarrësit dhe OFID (këtu e tutje **"Marrëveshja e huasë e OFID"**);

(D) NDËRSA qëllimi i Fondit është t'i ndihmoj vendet në zhvillim t'i zhvillojnë ekonomitë e tyre dhe t'iu dhënë atyre huatë e kërkuara për zbatimin e projekteve dhe programeve të tyre zhvillimore;

(E) NDËRSA Fondi është i bindur për rëndësinë e projektit dhe efektet e tij përfituese për zhvillimin ekonomik të popullit paqësor të Kosovës; dhe

(F) NDËRSA bordi i drejtorëve të Fondit ka rënë dakord, duke pasur parasysh si më sipër, nëpërmjet Rezolutës së tij nr. 11/108/2080 për t'i dhënë Huamarrësit një hua sipas termave dhe kushteve të përcaktuara këtu.

PRANDAJ, PALËT, nëpërmjet kësaj, kanë rënë dakord si më poshtë:

NENI I

Kushtet e përgjithshme, përkufizimet

Seksioni 1.01. Palët në këtë Marrëveshje pranojnë të gjitha dispozitat e kushteve të përgjithshme të zbatueshme për marrëveshjet e huasë të Fondit, të nxjerra me rezolutë të bordit të drejtorëve të fondit nr. 11/14 të datës 29 të muajit Rexheb, 1396 H që korrespondon me 26 korrik 1976 P.K, me të njëjtën fuqi dhe efekt sikur të ishin përfshirë tërësisht këtu (këto kushte të përgjithshme të zbatueshme për marrëveshjet e huasë të Fondit që këtu quhen “Kushtet e përgjithshme”).

Seksioni 1.02. Kur përdoren në këtë Marrëveshje, përveç kur konteksti e kërkon ndryshe, të gjithë termat e përkufizuar në Kushtet e përgjithshme dhe në preambulën e kësaj Marrëveshjeje kanë kuptimet përkatëse të parashikuara në të, dhe termi “**Ministria**” nënkupton Ministrinë e Infrastrukturës të Huamarrësit.

NENI II

Huaja

Seksioni 2.01. Fondi bie dakord t’i japë hua Huamarrësit, sipas termave dhe kushteve në Marrëveshjen e huasë të parashikuara ose të përmendura, një hua në një shumë prej gjashtëdhjetë milionë (60,000,000) Rial Saudit.

Seksioni 2.02. Huamarrësi ka të drejtë ta tërheqë shumën nga llogaria e huasë në pajtim me dispozitat e Orarit nr. 1 të kësaj Marrëveshjeje, me ndryshimet e herëpashershme të orarit me marrëveshje ndërmjet Fondit dhe Huamarrësit dhe në pajtim me procedurat për tërheqjet e Fondit saudit për huatë zhvillimore, për shpenzimet e bëra ose, (nëse Fondi bie dakord) që duhet të bëhen në lidhje me koston e arsyeshme të mallrave dhe shërbimeve që kërkohen për Projektin dhe që duhet të financohen nga shumat e huasë.

Seksioni 2.03. Huamarrësi merr përsipër ti përdorë shumat e huasë vetëm për financimin e koston së arsyeshme të mallrave, punëve dhe shërbimeve të kërkuara për realizimin e Projektit. Prokurimi i këtyre mallrave, punëve dhe shërbimeve është në pajtim me udhëzimet për prokurimin e mallrave dhe kontraktimin për ekzekutimin e punëve dhe përdorimin e konsulentëve të institucioneve zhvillimore, anëtare të Grupit të koordinimit. Huamarrësi do të merr aprovimin e Fondit para dhënies së kontratave që duhet të financohen nga shumat e Huasë dhe para kryerjes së çdo ndryshimi thelbësor të ardhshëm për secilën prej tyre.

Seksioni 2.04. Data e mbylljes është 28/2/2018 ose një datë e mëvonshme që mund të përcaktohet nga Fondi. Fondi do ta njoftoj menjëherë Huamarrësin për këtë datë të mëvonshme.

Seksioni 2.05. Huamarrësi paguan një tarifë huaje me një normë dy për qind (2%) në vit mbi shumën e kryegjësë së Huasë së tërhequr dhe që nuk është e shlyer herë pas here.

Seksioni 2.06. Tarifa e Huasë dhe detyrimet e tjera paguhen dy herë në vit, më 1 janar dhe 1 korrik të çdo viti.

Seksioni 2.07. Periudha e huasë është (20) vite duke përfshirë një periudhë pa interesa prej (5) vitesh. Huamarrësi shlyen shumën e kryegjësë së huasë në pajtim me Orarin e amortizimit të përcaktuar në Orarin nr. 3 të kësaj Marrëveshjeje. Çdo këst paguhet së bashku me detyrimin e Huasë dhe detyrime të tjera duke bërë një njoftim (45) ditor që i drejtohet Huamarrësit nga Fondi para datës së kërkueshme.

NENI III **Ekzekutimi i projektit**

Seksioni 3.01. a) Huamarrësi e zbaton Projektin, nëpërmjet Ministrisë, me kujdesin dhe efikasitetin e duhur dhe në pajtim me praktikat e përshtatshme administrative, financiare dhe inxhinierike dhe siguron, sapo të jenë të nevojshme, fondet, objektet, shërbimet dhe burimet e tjera që kërkohen për zbatimin e Projektit.

(b) Pa kufizuar përgjithësimin e paragrafit (a) të këtij seksioni, Huamarrësi: 1) ofron menjëherë, sapo të jenë të nevojshme, të gjitha fondet e tjera që mund të kërkohen për realizimin e projektit (duke përfshirë çdo fond që mund të kërkohet për të përmbushur çdo rritje në koston e tij përtej koston së parashikuar në momentin e nënshkrimit të kësaj Marrëveshjeje; nëse këto shuma janë ofruar nëpërmjet një marrëveshjeje ndërmjet Huamarrësit dhe një pale të tretë, termat dhe kushtet e asaj Marrëveshjeje do të jenë të pranueshme për Fondin; 2) bën caktimet e përshtatshme buxhetore vjetore për të përmbushur pjesën e vet të koston së projektit; dhe 3) mbështet çdo shpenzim tjetër që tejkalon shumën e huasë dhe që është i nevojshëm për realizimin e projektit.

Seksioni 3.02. Huamarrësi i kërkon Ministrisë t'i paraqesë Fondit, menjëherë pas përgatitjes, planet, specifikimet, raportet, dokumentet e kontratave dhe grafikët e ndërtimit dhe prokurimit për Projektin dhe çdo modifikim të tij ose shtesë me ato hollësi që Fondi i kërkon në mënyrë të arsyeshme.

Seksioni 3.03. Për mbikëqyrjen e ekzekutimit të projektit, Huamarrësi i kërkon Ministrisë të ketë inxhinierë konsulentë, kualifikimet dhe eksperiencat e të cilëve janë të pranueshme për Fondin.

Seksioni 3.04. Në përmbushjen e Projektit, Huamarrësi i kërkon Ministrisë të angazhoj kontraktues të pranueshëm për Fondin me termat dhe kushtet e pranueshme për Fondin.

Seksioni 3.05. Huamarrësi i kërkon Ministrisë të sigurojë që mallrat e importuara që financohen nga shumat e Huasë të sigurohen nga rreziqet në lidhje me blerjen, transportin dhe furnizimin e tyre në vendin e përdorimit ose instalimit dhe për këtë sigurim çdo kompensim paguhet në një valutë që është lirshëm e përdorshme nga Huamarrësi për të zëvendësuar ose riparuar këto mallra.

Seksioni 3.06. Huamarrësi i kërkon Ministrisë të siguroj që të gjitha mallrat, punët dhe shërbimet e financuara nga shumat e Huasë të përdoren vetëm për zbatimin e Projektit.

Seksioni 3.07. Huamarrësi i kërkon Ministrisë që: a) të mbajë regjistra të përshtatshëm për të regjistruar ecurinë e Projektit (duke përfshirë koston e tij), t'i identifikojë mallrat dhe shërbimet e financuara nga shumat e Huasë dhe për të pasqyruar përdorimin e tyre në Projekt dhe për të reflektuar të gjitha operacionet, burimet dhe shpenzimet në lidhje me Projektin;

Seksioni 3.08. Huamarrësi i kërkon Ministrisë t'u japë të gjithë mundësinë e arsyeshme përfaqësuesve të Fondit për të bërë vizita për qëllimet në lidhje me Huanë, të inspektojnë projektin, mallrat dhe shërbimet e financuara nga shumat e Huasë dhe çdo regjistër dhe dokument përkatës;

Seksioni 3.09. Huamarrësi i kërkon Ministrisë t'i japë Fondit të gjithë atë informacion, që Fondi e kërkon në mënyrë të arsyeshme, në lidhje me Projektin, shpenzimin e shumave të Huasë dhe mallrat dhe shërbimet e financuara nga këto shuma.

Seksioni 3.10. Huamarrësi i kërkon Ministrisë të ndërmarrë të gjitha ato veprime që do të jenë të nevojshme për të blerë siç dhe kur kërkohet tokë dhe ato të drejta mbi tokën që kërkohen për zbatimin e Projektit.

NENI IV
Detyrimet e veçanta

Seksioni 4.01. (a) Huamarrësi dhe Fondi konfirmojnë pëlqimin e tyre që asnjë detyrim tjetër i jashtëm nuk do të ketë prioritet mbi Huanë nëpërmjet një barre të vendosur mbi sendet pasurore qeveritare. Për këtë qëllim, Huamarrësi merr përsipër që, përveç kur Fondi bie dakord ndryshe, nëse vendoset një barrë në ndonjë send pasuror të Huamarrësit si garanci për një detyrim të jashtëm, kjo barrë garanton *ipso facto* dhe pa shpenzime për Fondin në mënyrë të barabartë dhe të vlerësueshme pagesën e shumës kryesore të Huasë, tarifën e Huasë dhe çdo detyrim tjetër mbi Huanë dhe që në vendosjen e çdo barre të tillë bëhet parashikim shprehimisht për këtë qëllim.

(b) Detyrimi i parashikuar në paragrafin (a) të këtij seksioni nuk zbatohet për:

i) çdo barrë të vendosur mbi pasuri, në momentin e blerjes së saj, vetëm si garanci për pagesën e çmimit të blerjes së kësaj pasurie;

ii) çdo barrë mbi mallrat tregtare për të garantuar një detyrim që maturohet jo më vonë se një vit pas datës në të cilën ka lindur fillimisht dhe duhet të paguhet nga shumat e shitjes së këtyre mallrave tregtare; apo

iii) çdo barrë që lind gjatë kryerjes së zakonshme të transaksioneve bankare dhe sigurimit të një detyrimi që maturohet jo më vonë se një vit pas datës së tij.

Seksioni 4.02. Huamarrësi i kërkon Ministrisë të mbajë regjistra adekuat për të reflektuar në pajtim me praktikat e shëndosha të kontabilitetit, operacionet, burimet dhe shpenzimet, në lidhje me Projektin e Ministrisë dhe departamenteve të tjera ose agjencive të Huamarrësit, përgjegjëse për zbatimin e Projektit ose një pjese të tij.

Seksioni 4.03. Huamarrësi i kërkon Ministrisë të lidh sigurim për Projektin ndaj rreziqeve dhe në ato shuma që janë në pajtim me praktikën e përshtatshme, në përputhje me rregulloren e aplikueshme në vendin e vet.

Seksioni 4.04. Huamarrësi i kërkon Ministrisë të marrë përsipër të bëjë një Tabelë kujtese, me dimensione të përshtatshme, të punuar nga betoni ose metal tjetër i përshtatshëm që duhet të vendoset në një vend të dukshëm në një nga ambientet e përfshira në Projekt, për të treguar kontributin e Fondit në financimin e Projektit.

Seksioni 4.05. Huamarrësi i kërkon Ministrisë të sigurojë mirëmbajtjen e përgjithshme të Projektit duke realizuar inspektimin periodik, në pajtim me parimet e përshtatshme inxhinierike dhe për të parashikuar ndarjet e nevojshme për këtë qëllim në buxhetin vjetor. Huamarrësi gjithashtu merr përsipër t'i paraqesë Fondit planet e miratuara për mirëmbajtje, siç mund t'i kërkojë Fondi.

Seksioni 4.06. Huamarrësi i kërkon Ministrisë të kryejë çdo modifikim në Projekt vetëm me aprovimin paraprak të Fondit.

Seksioni 4.07. Huamarrësi merr të gjitha masat e nevojshme për të siguruar që dimensionet dhe ngarkesat boshtore të automjeteve që përdorin rrugën, të mos kalojnë kufijtë që respektojnë standardet e projektimit strukturor dhe gjeometrik të rrugës.

Seksioni 4.08. Menjëherë pas përfundimit të Projektit, por jo më vonë se gjashtë muaj pas Datës së Përfundimit, ose në një datë të mëvonshme që mund të bjerë dakord Fondi për këtë qëllim, Huamarrësi përgatit dhe i paraqet Fondit një Raport për përfundimin e projektit, në formë të arsyeshme dhe të detajuar siç e kërkon Fondi, mbi zbatimin dhe operimin fillestar të Projektit, shpenzimet e tij dhe përfitimet që burojnë dhe që do të përfitohen prej tij, përmbushjen e detyrimeve të Ministrisë sipas Marrëveshjes së huasë dhe arritjen e objektivave të Huasë.

NENI V
Mjetet në dispozicion të Fondit

Seksioni 5.01. Për qëllimet e seksionit 6.02 të Kushteve të përgjithshme, ngjarjet e mëposhtme shtesë përcaktohen në pajtim me paragrafin (f) të tij:

(a) Në pajtim me nën- seksionin (b) të këtij seksioni:

i) e drejta e Huamarrësit për t'i tërhequr shumat e çdo huaje ose granti të dhënë Huamarrësit për financimin e Projektit pezullohet, anulohet ose pushohet plotësisht ose pjesërisht, në pajtim me termat e marrëveshjes që e parashikon atë, apo

ii) çdo hua e tillë bëhet e kërkueshme dhe e pagueshme para maturimit të rënë dakord për të.

(b) Nën- seksioni (a) i këtij seksioni nuk zbatohet nëse Huamarrësi provon në mënyrë të pranueshme për Fondin që (i) ky pezullim, anulim, pushim ose paramaturim nuk shkaktohet nga mospërmbushja nga ana e Huamarrësit e ndonjë prej detyrimeve të tij, në bazë të kësaj Marrëveshjeje, dhe (ii) Huamarrësit i janë vënë në dispozicion fonde të mjaftueshme për projektin nga burime të tjera sipas termave dhe kushteve në pajtim me detyrimet e Huamarrësit sipas kësaj Marrëveshjeje.

Seksioni 5.02. Për qëllimet e seksionit 7.01 të Kushteve të përgjithshme, ngjarja e mëposhtme përcaktohet në pajtim me paragrafin (d) të tij, d.m.th., që ngjarja e përcaktuar në nën- seksionin (a) (ii) të seksionit 5.01 të kësaj Marrëveshjeje ndodh dhe vazhdon për një periudhë më të gjatë se gjashtëdhjetë (60) ditë nga data në të cilën Fondi vë në dijeni Huamarrësin për ndodhinë e ngjarjes së sipërpërmendur.

NENI VI
Data e hyrjes në fuqi – Prishja e Marrëveshjes

Seksioni 6.01. Periudha prej (6) muajsh nga data e nënshkrimit të kësaj Marrëveshjeje përcaktohet për qëllimet e seksionit 12.04 të Kushteve të përgjithshme.

NENI VII
Përfaqësuesi i Huamarrësit, adresat

Seksioni 7.01. Ministri i Financave të Huamarrësit emërohet si përfaqësues i Huamarrësit për qëllimet e seksionit 11.03 të Kushteve të përgjithshme.

Seksioni 7.02. Adresat e mëposhtme përcaktohen për qëllimin e seksionit 11.01 të Kushteve të përgjithshme.

PËR FONDIN

Fondi Saudit për Zhvillim
P.O.Box 50483
Riad 11523
Mbretëria e Arabisë Saudite
Tel. : +966-11-2794000
Telefax : +966-11-4647450
E-mail: info@sfd.gov.sa

PËR HUAMARRËSIN

Ministria e Financave
Rr. Nënë Tereza
10000 Prishtinë
Republika e Kosovës
Tel. : +381-38-20034101
Telefax : +381-38-213113
E-mail: imita@mfe-ks.org

PËR AGJENCINË EKZEKUTUESE

Ministria e Infrastrukturës
Ndërtesa X, kati i dytë
10000 Prishtinë, Republika e Kosovës
Tel. : +381-38-211494
Telefax : +381-38-211514
E-mail: qupeva@gmail.com
Rame.qupeva@rks-gov.net

NË DËSHMI TË KËSAJ, palët, duke vepruar përmes përfaqësuesve të tyre të autorizuar rregullisht, kanë realizuar nënshkrimin e kësaj Marrëveshjeje në emrat e tyre përkatës, në qytetin e Prishtinës, Republika e Kosovës, në ditën, muajin dhe vitin e përmendur më sipër, në dy kopje në gjuhët arabe dhe angleze, secila prej të cilave është një ekzemplar origjinal dhe një kopje e Kushteve të përgjithshme në të dy gjuhët që i jepet Huamarrësit.

PËR

FONDIN SAUDIT PËR ZHVILLIM

Yousef Ibrahim Albassam
Vice Chairman and Managing Director

PËR

REPUBLIKËN E KOSOVËS

Besim Beqaj
Ministër i Financave

ORARI NR.(1)
Tërheqja e shumave të huasë

Tabela e mëposhtme përcakton kategoritë e artikujve që financohen nga shumat e Huasë, alokimin e shumës së Huasë për çdo kategori dhe përqindjen e shpenzimeve për artikujt që duhet të financohen në secilën kategori.

Kategoria		Shuma e Huasë së alokuar (Shprehur në Rial saudit)	Përqindje e shpenzimeve që duhet të financohen
1	Punët civile: Ndërtimi dhe përmirësimi i rrugës Pjesa (A) e Projektit	54,560,143	25% e shpenzimeve të përgjithshme
3	Të pa alokuara	5,439,857	
Totali:		60,000,000	

(B) Pavarësisht dispozitave të paragrafit (A) më sipër, asnjë tërheqje nuk bëhet në lidhje me pagesat e bëra për:

- 1) Shpenzimet para datës së kësaj Marrëveshjeje;
- 2) Tatimet e mbledhura nga ose në territorin e Huamarrësit për mallrat ose shërbimet, ose për importimin, prodhimin, prokurimin ose furnizimin e tyre.

(C) Pavarësisht nga alokimi i një shume të Huasë ose përqindjeve të disbursimit të parashikuar në tabelën e paragrafit (A) të mësipërm, nëse Fondi ka vlerësuar në mënyrë të arsyeshme që shumat e Huasë që është alokuar në një kategori do të jetë e pamjaftueshme për të financuar përqindjen e rënë dakord për të gjitha shpenzimet e asaj kategorie, Fondi, duke njoftuar Huamarrësin, mund:

- (i) të rialokoj për këtë kategori, në masën që kërkohet për të përmbushur diferencën e parashikuar, shumat e Huasë që nuk janë alokuar deri atëherë dhe që, sipas mendimit të Fondit, nuk nevojiten për të mbuluar shpenzime të tjera; dhe
- (ii) nëse një rialokim i tillë nuk mund të mbulojë plotësisht diferencën e parashikuar, të ulë përqindjen e disbursimit që zbatohet për këto shpenzime, me qëllim që të mund të vazhdojnë tërheqjet për këtë kategori derisa të mbulohen të gjitha shpenzimet e bëra atje.

ORARI NR. 2
Përshkrimi i projektit

Projekti synon ta lidh kryeqytetin Prishtinën me qytetet e Vushtrrisë dhe Mitrovicës përmes ndërtimit dhe rehabilitimit të magjistrales së dytë kryesore (M2) dhe shndërrimin e saj nga një rrugë me një korsi qarkulluese në çdo kah në një rrugë magjistrale me dy korsi në secilin kah. Magjistralla M2 konsiderohet të jetë arteria kryesore e trafikut në Kosovë me një gjatësi totale prej rreth (26.7) km me qarkullimin më të lartë në rrjetin rrugor të Kosovës. Bazuar në numërimin e trafikut, rrugën e përshkojnë 20,000 automjete në ditë në disa pjesë të saj.

Projekti përbëhet nga këto pjesë:

A- Punët civile

Artikujt e punës përfshijnë punët e dheut, shtrimin e zhavorit, stabilizimin e sistemit anësor të drenazhit, instalimin e pajisjeve për siguri në rrugë dhe punë të tjera të ndryshme.

B- Blerja e tokës

C- Mbështetja e menaxhimit të projektit si dhe Auditimi financiar i projektit

D- Shërbimet këshillëdhënëse

Kostoja totale e projektit është rreth (89) milion dollar amerikanë apo ekuivalent me (333.75) milion Rial saudit. Projekti pritet të përfundojë në fund të vitit 2016.

ORARI NR.3
Orari i amortizimit

Kësti nr.	Data e pagesës	Shuma e kështit e shprehur në Rial saudit
1.	1 janar 2019	2,000,000
2.	1 korrik 2019	2,000,000
3.	1 janar 2020	2,000,000
4.	1 korrik 2020	2,000,000
5.	1 janar 2021	2,000,000
6.	1 korrik 2021	2,000,000
7.	1 janar 2022	2,000,000
8.	1 korrik 2022	2,000,000
9.	1 janar 2023	2,000,000
10.	1 korrik 2023	2,000,000
11.	1 janar 2024	2,000,000
12.	1 korrik 2024	2,000,000
13.	1 janar 2025	2,000,000
14.	1 korrik 2025	2,000,000
15.	1 janar 2026	2,000,000
16.	1 korrik 2026	2,000,000
17.	1 janar 2027	2,000,000
18.	1 korrik 2027	2,000,000
19.	1 janar 2028	2,000,000
20.	1 korrik 2028	2,000,000
21.	1 janar 2029	2,000,000
22.	1 korrik 2029	2,000,000

23.	1 janar 2030	2,000,000
24.	1 korrik 2030	2,000,000
25.	1 janar 2031	2,000,000
26.	1 korrik 2031	2,000,000
27.	1 janar 2032	2,000,000
28.	1 korrik 2032	2,000,000
29.	1 janar 2033	2,000,000
30.	1 korrik 2033	2,000,000
TOTALI		60,000,000